

昔者此郡有荒神、往來之人多被殺害、纏向日代宮御宇天皇行○景巡狩之時、此神和平、自爾以來無更有悚、因曰神埼郡、

〔大内家壁書〕從山口於御分國中行程日數事○中略

肥前國 神崎郡八日請文廿一日○中略

寬正二年六月廿九日

備中守奉秀明○下略

佐嘉郡

〔肥前風土記〕佐嘉郡 鄉陸所里十 驛壹所、寺壹所、

昔者樟樹一株、生於此村、幹枝秀高、莖繁茂、朝日之影、蔽杵島郡蒲山川、暮日之影、蔽養父郡草橫山也、日本武尊巡幸之時、御覽樟茂榮、曰、此國可謂榮國、因曰榮郡、後改號佐嘉郡、一云、郡西有川、名曰佐嘉川、年魚有之、其源出郡北山、南流入海、山川上有荒神、往來之人半生半殺、於茲縣主等祖大荒田、占問于時、有土蜘蛛大山田女、狹山田女、二女子云、取下田村之土、作人形馬形、祭祀此神、必在應和、大荒田即隨其辭、祭此神、神歆此祭、遂應和之、於茲大荒田云、此婦如是實賢女、故以賢女欲為國名、因曰賢女郡、今謂佐嘉郡訛也、

〔日本靈異記〕下產生肉團之作女子修善化人緣第十九

大安寺僧戒明大德、任彼竺紫國府大國師之時、寶龜七八箇年比頃、肥前國佐賀郡大領正七位上佐賀君兒公、設安居會、請戒明法師、令講八十花嚴○下略

小城郡

〔肥前風土記〕小城郡 鄉漆所里二 驛壹所、烽壹所、

昔者此村有土蜘蛛、造堡隱之、不從皇命、日本武尊巡幸之日、皆悉誅之、因號小城郡、

松浦郡  
下松浦郡

〔肥前風土記〕松浦郡 鄉壹拾壹所里二 驛伍所、烽捌所、

昔者氣長足姬尊○神功 欲征伐新羅、行於此郡、而進食於玉島小河之側、於茲皇后勾針為鈎、飯粒為餌、裳絲為縉、登河中之石上、捧鈎祝曰、朕欲征伐新羅、求彼財寶、其事功成凱旋者、細鱗之魚吞朕鈎、縉既